

卷十一 藝文志

記載宣事之書

宜人著述之書

雜著

論辨 碑記 雜記

序跋 贈序 詔令

詩賦 以下篇幅釘入第十二冊

金石

古硯 鼎彝 印信

摩崖書 碑碣

詩賦 金石

卷十二 雜載

傳

寓賢 方外

土司

表

陸製 封贈

錄

異聞 軼事

誌

本書纂修始末

宣威縣志稿

周鍾嶽題



宣威縣志稿卷十一

邑人繆果章泚潯編輯

藝文

史志藝文書目而已提其要略著其名氏雜探詩文自方志始吾兩從之期裨地

史

紀載宣事之書

宣威草志 清雍正九年邑孝廉原任陝西石泉縣知縣吳承伯撰共二本書今無存
 惟見饒夢銘增訂州志序又州志序錄修志銜名纂修者爲宣威州知州陞任普洱
 府知府漆其助編輯者爲陝西石泉縣知縣吳承伯江西永新縣知縣尹治題授會
 澤縣知縣王藩貴州威寧州學拔貢鄒之嶧永昌府儒學訓導浦聯灝路南州儒學
 訓導徐琮霖益州學拔貢徐璠雲益州學歲貢浦聯華宣威州學歲貢吳振伯陶友
 夔等但據父老傳聞全書皆出於承伯餘均借名也

藍渭宣威州志 清乾隆四十四年知州饒夢銘主撰學正陳雲龍分修與其役者歲

宣風縣志
貢余必鰲孫溫廩生孫履慶陶致廣書未刻 饒有序陳有跋具載舊志 序云宣
爲霏益舊治自漢相城東南宛溫二水形勢蜿蜒因以名縣郡隸泲河武侯南征改
泲河爲興古郡水經記載興古即宛溫縣地治由來久矣唐爲西平州元置摩彌部
萬戶以宣慰使安宗舉領之爲霏益州安氏世襲土司始此國朝移霏治於交水北
裁自高坡頂暨威寧可渡以南改土歸流爲今治其城本名永樂元年爲烏撒衛後
所建也其間山川田賦人物風俗及秩官科名或自霏分或由威撥新闢彝疆滇黔
紛錯視他州郡之本末源流歷歷如數家珍者固缺有間矧五十年來天時人事得
失盛衰所謂滄海桑田者又不知凡幾事過境遷久將漸滅即有留心民社如程明
道朱紫陽其人景仰前修爬梳曩籍直如求夏鼎商盤於輓近之世詎易觀乎余兩
牧斯土寒暑再週竊喜歲稔民安諸廢遞舉唯是銅運時形竭蹶鹽課多藉居奇惟
日求良法俾公不誤而民不擾風晨雨夕不憚咨諏水色山光亦多題詠然欲載筆
墨於風塵擾攘之場討論眞贋匪心意不屬且兼顧未遑也今夏卸篆暫憩城館始

得與學博陳君偕廩齋余必鰲孫淵孫履慶陶致廣諸子將雍正九年明府吳礎之
等所輯草志二本並博採耆宿詳稽案宗摩拊殘碑搜羅逸乘刪其摭拾補其漏遺
凡有裨國計民生足以信今而傳後者倍加增訂計得八卷前此之因陋就簡零落
殘編至是始裒然成帙矣是志也敢謂附職方地輿之遺而四履以內山則榕峯左
峙磨盤右旋前臨高頂後障翠屏他若天馬鳳凰螃蟹獅象大幕美煥諸岡陵星羅
棋布拱衛爭雄水則遠如拖長東濬歸極車洪西犇牛欄白圍帳經可渡穿天小橋
者實爲北流濫觴近如溫泉噴珠宛波湧玉百張壩跨石龍支分派別如帶如襟要
皆與南流交水廻環掩映北注而入盤江地維天斬千里延袤犄角曲尋咽喉黔蜀
讀吳梅邨句盤江西繞七星關可渡橋邊萬仞山不綦偉歟田賦始則改安司之舊
土變沐氏之勳庄繼而割烏撒衛所宣化里稅糧七百有奇官俸役食課糴兵糧額
設歲供有贏無絀營房則北抵可渡設汎倘塘南則直至黑橋炎方一汎地隸雲益
仍舊制也仕宦如諸葛武侯之屯古城以降孟獲傅穎川侯友德立礮台以勦烏蠻

劉參軍緹制羣盜而居民外戶不閉俞遊戎茂德修城樓建文閣而培養士氣吟將軍元生三征烏蒙元兇授首而職肇尋霑漆刺史扶助團兵防邊興養立教陞任而德政留坊人物如繆都諫績著烏台浦解元名高虎榜孫詞林槐廳一漁學步楊孝廉荊砌三鳳齊飛課讀如榕城講院與黌序崢嶸說詩敦禮講讓型仁視城鄉蒙學九館若領袖焉古蹟如普陀巖之瀑布倒捲珠簾仙桂洞之丹香暗飄金粟桃溪泛碧雪浪排空懸石鐘吼山谷爭鳴披雲岩攢星辰倒掛皆非人力實屬天工其餘典禮風俗物產祥異類與他邑相伴獨惜城東海田刈稻以前不克預佈蠶豆如霑益城外春疇鬱郁歲取十千以禦青黃不接婦女操井臼外間佐田功至條棉尺布必須購買余雖力爲勸導未竟厥功爰恭錄聖祖仁皇帝御製耕織圖文編入集中俾後來男耕女織從此勤求庶幾餘粟餘布之風夙乎尙矣於戲漢以宛溫勝概表號花封旋爲爨棘諸蠻竊據椎髻梟頑佩刀負弩血戰無休直待千百年後山水清輝別開生面聲名文物漸著寰區官斯土者苟於利弊乘除更加調劑蒸蒸王化漸被

愈深又豈五十年來僅如茲光景流連已哉昔余修鎮雄志事竣而隨卸篆今宣志卸篆而始告成均未獲詳請各憲鑒定俾付梨棗然龍泉玉匣寶氣終騰瓊樹金烏鴻光難秘是所望於後之君子以成此志也夫乾隆己亥孟秋中澣署宣威州知州陞任普洱府威遠同知江右饒夢銘謹叙 跋云邑不可以無志無志則無徵無徵則不信生其後者見見聞聞不過撫拾目前安知百年來有所謂忠孝節烈義勇功勳文人韻士僑寓隱逸其人者爲之砥礪興感哉即任斯土者亦但隨時布置並無由考其典禮政治風土習俗學校農桑俾有一定之章程爲可遵之良法則邑之不可無志也審矣宣威自雍正年間開闢新疆設學較遲或以邊地目之豈知天地之靈秀無處不鍾聖朝之雅化無遠弗被滇南府廳州縣八十有奇均有成志以昭同文之盛寧宣而獨缺之所以然者宣屬非不可志實志之無其人耳刺史藍湄饒公以江右名宿出宰滇南其文章政事實司牧中錚錚有聲者也戊戌秋余秉鐸來茲適公任州事每見輒有所商如建立書院修明倫堂而外勤勤懇懇屢以修志詢予

予私計曰事之因者易事之創者難况公勤於民事銅鹽稍暇審案如流未結者輒夜以繼日務求清解恐有志焉而未逮而公竟不以爲異人任也計自暮春卸篆後即日招諸生悉心搜採得明府吳君昔時草志二本焚膏編次或先之或後之或補其缺略或刪其繁冗或正其化舛凡有裨於人心風俗政治典禮學問性情者與余往復商訂又出己所題詠本州景物諸韻併各紳士詩賦編入其中分爲八卷越六月而志成公告諸生曰昔鎮雄志成而余卸篆今宣威卸篆而志再成聆斯言也作史擅三長修志特公之餘緒耳今公以題授威遠引見匆匆北上未遑詳請付梓心竊依依然是書也旣經大匠之繩削斷無久匿之光彩後之賢牧有如公之留心風化更加細繹詳擇俾付剞劂余雖久荒又何不樂共勦厥事訂爲成書以補公之所未逮哉乾隆四十四年己亥孟秋月上浣揀選知縣預補宣威州學正陳雲龍際飛

氏跋

案鹽運序於宣中水道辨認未真至指車洪爲北流濫觴蓋沿徐宏祖盤江攷之誤耳

道光宣威州前志 清道光五年署知州李文培學正施埕寶主撰劍川州學正孫紹

康楚雄縣訓導陶巨儒阿迷州訓導孫德融宣威州學拔貢謬尊魯曲靖府學歲貢王遇晉州學廩生葉喬秀肅汝英府學廩生林煥然張九成府學附生吳炤等分編書未刻惟見州志劉沛霖序及篇首所列銜名

宣威州志 清道光二十四年署知州俸滿陞任普洱府他郎撫彝府劉沛霖學正夏丕彰主撰舉人朱光鼎總纂宜良縣教諭樊肇封易門縣教諭謬彤太和縣訓導馮應焯寧洱縣教諭李東昇府學拔貢楊于塘州學歲貢王遇錫謬潤元龍雲朶州學廩生繆琮孫應陽繆元弼陸天寶府學廩生黃止中曾德純等分編書經發刻板存學正署宣中數百年文獻賴有此也歷年既久板片散失省中年年徵調收藏家亦幾搜索罄盡今錄其凡例及目錄如左

凡例 一宣威改設未久既無志乘可據亦鮮文獻足徵其沿革事跡未敢鑿空臆斷謹依通志以紀其概更訪諸父老以求其詳庶不使後之覽者無所憑式焉 一宣威僻處府城之東北去省四百餘里雖同爲井鬼分野難以八屬概之觀其晴日多

風陰日多雨即氣候之稍異可識度數之微差矣 一州治山川之形勝似宜撮其
大端無庸煩贅然省志貴簡州志宜詳凡一邱一壑擅鍾毓之秀者皆爲之備列志
內庶榕山宛水迄高頂溫泉不長沒於蠻烟瘴雨之間是亦覽勝者之所易悉也
一宣威自改設而後四境雖屬蠻彝而涵濡聖化日久其飲食言語已漸化其獠獠
狃狃之習故存之以証德教之翔洽云 一田賦人丁軍儲所係守土者最宜詳悉
宣威秋米夏稅戶口條銀自改土歸流業已踏勘編審計數入冊無庸煩贅 一宣
威自有明開闢地屬土司管轄建官分職之事俱未傳聞我朝定鼎初年仍令土司
隸守此土治歸霑益統屬自雍正八年奉請改州割分疆界甫設知州一員學正一
員吏目一員又設巡檢一員駐札可渡其歷來官員姓名後悉詳記無遺 一荒僻
之區雖乏鴻功偉業之人然其間亦有砥節礪行全貞抱義者留正氣於人寰今按
通志所載者編而錄之以爲此邦之望即其未經採取者亦闡而揚之以發潛德非
敢有所附會遺失也 一選舉原係郡邑之光但未設學以前宣威士子或寄考於

威寧或就試於霑益中有登賢書膺鶚薦者俱皆誌入他處今既另設州治自應改歸宣威以與今之科甲仕宦者先後註名俾生其後者不致嘆邊地之無人焉 一武秩源流紀在國朝通志者彰彰著矣先有明時以千百戶董領屯軍於後所復以遊守職彈壓安司於霑益閱時既久姓字難分今於蕭寺題梁殘碣署名中偶得一二必爲錄之即後改設之叅府守備等官以及本地之奮跡行伍榮膺仕宦者編之志內以備考覽云 一藝文之錄非徒然也上則關乎作育下亦驗乎人才詞賦而外他如野館題留山林遣興皆本天真發爲詞章苟並此而無之如揜鄙何宣之前君子不無著述然每散而無存今即目所及見者按次編輯若其不關於風俗人心雖工弗錄

目錄

卷之一

圖攷

星野圖
武廟圖

州總圖
書院圖

州城圖
州署圖

學宮圖

星野

附氣候

疆域

附形勢

程途

郵旅

山川

卷之二

建置沿革

城池

附官署

倉庫

關哨津梁

物產

風俗

卷之三

戶口

田賦

經費

秩官

兵防

武秩官

名宦

卷之四

學校文廟 祭田 義學 學田 冊費 卷結

典禮慶賀 宣講 朔望 迎春 鞭春 救護 祈禱

祀典文廟 禮器 陳設圖 樂器

祝文羣祀 附羣廟 祝告文 耕藉

古蹟 卷之五 選舉 武職 人物鄉賢 忠烈 孝義

文學 節烈 封贈 陰襲附職事 人員 流寓 仙釋 土司附土舍人 種人 祥異 卷之

六 宸翰 奏議 卷之七 藝文論 銘 記 序 說 引 攷 文 賦 卷之八 詩五古 七古 五律 七律 五絕 七絕

詩餘 跋 雜志 跋

又劉沛霖續修宣威州志序 宣治漢爲宛溫唐爲西平其建置源流與夫山川之勝

兵防田賦之法義學之設藍涓舊志序之詳矣不復序序其忠孝節義足以表厲風

化者癸卯除夕前一日余奉委蒞任斯土甲辰新正考童子試見士習醇茂已而循

行田野覽其風土民情亦古樸可喜惟是好訟因日夕聽斷苦爲分明而訟者愈多

竊嘗怪之憶戊戌四月余任他郎時羣盜四出猖獗燒掠嘗一治之以威而數十年

積害廓然一清此地風土不惡民情好訟是宜化之以德顧予德薄未足以化民思

取其忠孝節義者風厲之因披州志始知州僅有草本存學草志僅存雖縉紳先生

猶難言之況細民乎查舊志八卷自乾隆四十四年藍涓饒公卸篆後乃修輯故未及發刊道光五年省局調取府州縣志纂修李公鯤池奉文乃刪潤藍涓舊志復屬孝廉孫紹康朱光鼎續採添纂成集彙送省局亦未刊刻余思既修纂有志不刊傳於世微特忠孝節義卓卓可傳者將湮沒不彰即藍涓鯤池修纂之心終於不白而鄉曲愚頑小民又何所據以知風化之有自來也適榕峰朱光鼎掌榕城講院即屬以舊志偕選拔楊于嶧李東昇齋長孫應陽繆元弼陸天寶黃正中諸子續修之自道光五年後事蹟廣爲採訪分門別類合前所修纂者參互考訂編次成帙仍分八卷舊志名宦遠稽唐明以來用兵古蹟時方戡亂重武功也續志自州治開疆創制立法如張公漢勸農興學如漆公扶助饒公夢銘時際承平重文治也黃公四岳清銅鹽積弊岳公輝文興訪織修河堤利病關民生也利病切於民雖一節必謹錄之勸司牧也舊志鄉賢獨載繆文龍慎名器也續志自吳承伯楊維政以下凡九人廣善類也舊志節烈五人二死節三題請續志二十二人惟一題請錄苦節也舊無雜

志茲博採謹厚醇良好義之行雜紀貪昧陰險好訟之事以附卷末示勸懲也又藍
渭序惜東海膏腴地不種南豆無以禦青黃不接今春夏之交青隲鬱郁民食有賴
矣又惜民婦不知紡織條棉尺布皆須購買今機聲軋軋徧及西南近鄉遠及榕山
以至東海特地矣此尤足以成藍渭之志而不可不爲之續者也書旣成另繕草本
捐廉鳩工刊刷以表前任修纂未了之心使州中士庶見志內闡揚之忠孝節義亦
皆觸目警心父誠兄勉激勵爲忠孝節義之人偕遊於光天化日之下將見士習由
斯振興民風亦以丕變未必非訓俗型方之一道也因不揣譎陋爰取續纂刊刷之
心期以贅於篇端願後之任斯土者復加採訪續纂添刻以爲全書是爲序時道光
甲辰己巳月中澣署宣威州知州俸滿普頌府分防他郎撫彝府金筑劉沛霖謹叙
朱光鼎續纂宣威州志跋 甲辰清和之朝州牧金筑劉公春霆送學榕城講院旣以
他郎所著維風集徧授諸生乃取藍渭舊志屬諸鼎而謂之曰忠孝節義可紀者當
續纂之並兼採善惡以廣其志余將節公餘之暇與諸君相裁訂焉鼎受命不敢辭

方今海疆兵戈未靖而滇之西陲亦蠢蠢欲動所亟者武功修志何爲者春霆曰夫
人平居不知忠孝廉節欲其臨事仗節死義則其勢必有所不能志不立也爲官者
不思入名宦傳爲將者不思入忠貞傳爲士者不思入鄉賢孝義文學傳非夫也雖
然抑視上之所以培養而風厲之者何如耳志之修正厲之以忠孝節義作其氣而
樹之風聲也豈細故歟時朝論表列宋忠臣文子天祥從祀廟庭旣奉文春霆乃以
二月八日約會參戎福公炳具龍亭儀仗率僚屬紳士數百人朝服屣履迎請入祀
行一獻三叩禮典何重也文山去今且五百年矣當其盡忠報國義激於心奚所求
於身後之名而朝廷必表而揚之表其所謂忠義者爲天下官吏將卒風也文武官
尊而禮之尊其所謂忠義者爲一州三百里人士風也誠使天下之大四海之衆自
食祿以及稱戈荷鋤人人讀忠孝節義之書表表如文山者日觸於目人人談忠孝
節義之事卓卓如文山者日提於耳觸於目因以警於心提於耳因以厲其志入則
以之事父兄出則以之事長上區區洋賊小醜吾將制梃可撻矣彼復何能肆其毒

於邊海耶觀春霆之修志與其所以尊禮忠義之臣其志蓋如此惜乎春霆之所治者小而其風不及遠也春霆勤於民雞鳴起秉燭治事日聽斷不聞民有稱冤者讀維風集知其在他郎治盜有聲消禍機於未萌而宣政則從平恕嚴以治盜賊寬以待平民道固然也其勤於課試月給筆資籌膏火起人文與他郎同春霆黔中名進士而不爲語言文字之學乃以忠孝節義輔民德培根本上以副國家化民成俗之意而遠以成前任纂續未了之心蓋其維風於他郎者小而其維風於宣邑者大且久也鼎既受命廣詢博採春霆親爲刪定仍取舊志校正畫一書既成則捐廉刊刷廣布之舊無雜志藍涓志成學博陳君際飛爲之跋附藍涓舊志末春霆兼採善惡錄爲雜志以示勸懲竊觀明史三百三十二卷奸臣傳並附置卷末蓋賞善罰惡亦史外傳心之法也春霆既自序其續纂之心期矣而鼎則述其自序所未及載而春霆嘗備言者以附篇末云道光二十四年夏四月丙辰治舉人朱光鼎跋

朱光鼎孫紹康續修宣威州志誌

歲丙戌省垣諸公續修雲南通志徵府州縣各志

本時署牧李公司鐸施師因蓋渭舊志屬鼎等磨續之以應命竊念紀載之書史爲

經志爲緯史稱一朝鉅典志即鄉國重事以鼎等閭陋固不足當斯任也又限於時

日撫拾難免掛漏如藝文詩古詮次未分時以耳目所逮隨得隨輯統俟博雅君子

廣事搜羅合前志而更定之耳然則是役也視前志爲紹尾之續視後日之作其又

簸揚之秕糠也夫

朱光鼎

孫紹康等誌

續宣威州志 清光緒中學正黃謙率闔邑舉貢及諸生等續修應雲南通志局之徵

書未刻亦無副本存學

三朝紀略 清同治丁卯歲貢繆光緒撰光緒字炳夫工書法好文藝課徒外不預世

事而篤於孝友關懷治亂書用編年體紀錄宣中事變自咸豐元年起至光緒十三

年止於回夷交亂始末及大府援剿文武兩署地方紳衿材武應變方略人民顛連

困苦情況備見於篇其子邑增生璧齡又磨續紀載至民國七年止足供志乘參攷

可鑒編 清同治癸酉拔貢繆永齡撰永齡字配之舉人瑞章之父能文工書朝考歸

課徒自給成就甚多書用傳體叙錄回亂中宣境有關係人物爲功爲罪彰燁無遺讀其書足資勸懲故曰可鑒凡爲傳二十二專叙一人者十九合傳二人至三人者

三

宣威州鄉土志稿 清光緒癸巳恩科舉人繆瑞章撰事具本傳

宣威州鄉土志 清雲南學務公所圖書科科員繆果章奉編鑒定者署提學使郭燦其書係照部頒例目輯爲歷史地理格致各一卷每卷四十課課文長短一遵定限而附圖表及參攷於內爲初小教科之用既成印發各縣以爲範本飭由本境行政長官繳價發領者亦四百部其冬復奉新章廢除此項科目書遂存積不用惟省內外徵求志乘邑人多以此應之

宣威縣地誌 民國七年勸學所長樊集麟等奉編其例目係由本省内務司訂定令飭遵辦呈報後所中爲湊民智養民命長民德起見曾印多份分發各小學校兼有存餘近來省內外徵求志乘邑中亦輒以此應之